

法苑珠林卷第三十七

肇七

唐 西明寺沙門 釋道世 撰

敬塔篇第三十五

此有六部

述意部

引證部

興造部

感福部

旋達部

故塔部見三十卷

述意部第一

敬惟如來應現妙色顯於三千正覺韜光遺  
形傳於八萬是以塔踊靈山影留石窟剗檀  
畫氈之儀鑄金鏤玉之狀全身碎身之迹聚  
塔散塔之奇而光曜重昏福資含識致使英

聲遐美邪徒結信肇啓育王之始終傳有唐  
之初自歷代繁興神化非一故經曰正法住  
正法滅意存茲乎

引證部第二

如觀佛三昧經云佛留影石室在那乾呵羅

國毒龍池側佛坐龍石室窟中爲龍作十八  
變踊身入石猶如明鏡在於石內映現於外  
遠望則見近望不現諸天百千供養佛佛影  
亦說法迄今不減待至彌勒又集經云忉利天城東照  
明園中有佛髮塔城南麞澀園中有佛衣塔

城西歡喜園中有佛鉢塔城北駕御園中有佛牙塔又智度論云天帝釋取菩薩髮及衣於天上城東門外立佛髮塔衣塔又育王傳云王得信心問道人曰我從來殺害不必以理今修何善得免斯殃答曰唯有起塔供養

衆僧救諸徒囚賑濟貧乏故譬喻經六王宮二萬沙門盡心被禮不可具述王曰何處可起塔道人即以神力左手掩日光作八萬四千道散照閻浮提所照之處皆可起塔今諸塔處是也時王欲建舍利將四部兵衆至王舍城取阿闍世

王佛塔中舍利還復修治此塔與先無異如是更取七佛塔中舍利至衆摩村中時諸龍王將王入龍宮中王從龍索舍利供養龍即分與之時王作八萬四千金銀瑠璃玻璃篋盛佛舍利又作八萬四千寶瓶以盛此篋又作無量百千旛幢傘蓋使諸鬼神各持舍利供養之具勑諸鬼神言於閻浮提至於海際城邑聚落滿一億家者爲世尊立塔時有國名奢叉尸羅有三十六億家彼國人語鬼神言可三十六篋舍利與我等起立佛塔王作

方便國中人少者令分與彼令滿家數而立爲塔時巴連弗邑有上座名曰耶舍王詣彼所白上座曰我欲一日之中立八萬四千佛塔遍此間浮提意願如是時彼上座白言善哉大王敕後十五日日正食時令此間浮提

一時起諸佛塔如是依數乃至一日之中立八萬四千塔世間人民興慶無量共號曰阿育王塔又大阿育王經云八國共分舍利阿育王分數得八萬四千又別得佛口毘還國道中逢難頭禾龍王從其求舍利分阿闍

世王不與便語言我是龍王力能壞汝國土阿闍世王怖畏即以佛毘與之龍還於須彌山下高八萬四千里於下起水精塔阿闍世王得還國以紫金函盛舍利作千歲燈火於五恒河沙水中塔藏埋之後阿育王得其國土王娶夫人身長八尺髮亦同等衆相具足王令相師觀之師言當爲王生金色之子王即拜爲第二夫人後還有娠足滿十月王有緣事宜出外行王大皇后妬嫉便作方便共欲除之慕竟猪母即應產者語第二夫人言

卻是少甫爾始產不可露面視天以被覆面即生金色之子光照宮中盜持兒去殺之即以猪子著其身邊便罵言汝云當爲王生金色之子何故生猪便取輪頭拍囚內後園中令服藥王還聞之不悅久久之後王出行園見之憶念迎取歸宮第二夫人漸得親近具說情狀王聞驚怪即殺八萬四千夫人阿育王後於城外造立地獄治諸罪人佛知王殺諸夫人應墮地獄即遣消散比丘化王王發信悟問比丘言殺八萬四千夫人罪可得贖

不道人言各爲人起一塔塔下著一舍利當得脫罪耳王即尋真阿闍世王舍利有國相父年百二十將五百人取本舍利王得大喜即分與鬼神各還所部令一日一時同戴八萬四千利諸鬼神言多隔山障不得相知王言汝曹但還治槃護利安鈴我當使阿脩輪以手摸日四天下亦同時震又阿育王經云塔成造千二百織成旛及雜華未得懸旛王身崩沒塔成已六日王請僧至園供養時有優波崛多羅漢將一萬八千阿羅漢受王請

尊者崛多顏貌端正身體柔軟而王體醜陋

肌膚麤澀尊者即說偈言

我行布施時淨心好財物不如王行施

以沙施於佛

王告大臣我以沙施佛報獲如是云何而不

第十七

四

修敬於世尊王後尋佛弟子迦葉阿難等所有佛在世時弟子塔廟躬到塔所具展哀情責心修敬各興種種供養更立大塔各捨十萬兩珍寶供養是塔次至薄拘羅塔應當供養王問彼有何功德崛多尊者答曰彼無病

第一乃至不爲人說一句法寂默無言王曰以一錢供養諸臣白王言功德既等何故於此供養一錢王告之曰聽吾所說偈雖除無明癡智慧能鑒察雖有薄拘羅於世何所益

時彼一錢還來至王所時大臣輩見是希有事異口同音讚彼嗚呼尊者少欲知足乃至不須一錢王及供養菩提樹不絕夫人名曰低舍羅締多作念王極愛念於我念王今捨我珍寶至菩提樹間我方便殺樹令死王不

得往可得與我相娛夫人即遣人以熱乳燒之樹枯葉落王聞是語迷悶躰地夫人見王憂愁不樂當悅王心白王曰若無彼樹我命亦無如來於彼樹得道彼樹既無何用活耶復以冷乳灌之彼樹更生王聞歡喜詣於樹

羅漢二十萬是學人及凡夫宮人太子羣臣共王所作功德無量不可述盡

又雜阿含經云阿育王問比丘言誰於佛法中能行大施諸比丘言給孤獨長者最行大施王問彼施幾許比丘答曰以捨億千金王

下目不暫捨以千甕香湯漑灌菩提樹倍復嚴好增長茂盛後王潔淨身心手執香爐在於殿上向西方作禮心念口言如來賢聖弟子在諸方者憐愍我故受我供養如是語時有三十萬比丘悉來集彼大衆中十萬是阿

聞已彼長者尚能捨億千金我今爲王何緣復以億千金施當以億百千金施乃至用私藏盡將此間浮提夫人殊女太子大臣總施與聖僧後用四十億金還復贖取如是計校總用九十六億千金乃至王得重病自知命

盡常願以億百千金作功德今願不滿便就後世唯滅四億未滿王即辦諸珍寶送與雞頭摩寺乃至以半阿摩勒果送與僧禮拜僧

足問訊大聖衆等我領此間浮提是我所有今者頓盡不得自在唯此半果哀愍納受令

而封緘之以齒印印之作如是事畢即便無常爾時太子及諸人民興種種供養葬送如王之法而闍維之

又法益經云爾時諸大臣言今是大地屬於三寶云何而立太子爲王諸臣語已共議出

四億金送與寺中將贖其地

又善見論云阿育王以金錢九十六億起八萬四千寶塔復大種種布施

興造部第三

述曰上來所引經論與置所由其已知乎然

我得福上座耶舍令研磨著石榴羹中行之一切皆得問遍王復問傍臣曰誰是間浮提王諸臣啓王言大王是也時王從卧起而坐顧望四方合掌作禮念諸佛功德心念口言我今復以此間浮提施與三寶時王書紙上

未識塔義是何復有幾種所爲之人復通凡不答曰梵漢不同翻譯前後致有多名文有訛正所云塔者或云塔婆此云方墳或云支提翻爲滅惡生善處或云斗敷波此云護讚若人讚歎擁護歎者西梵正音名爲窣堵波此云廟廟者貌也即是靈廟也安塔有其三意一表人勝二令他信三爲報恩若是凡夫比丘有德望者亦得起塔餘者不合若立支提有其四種一生處二得道處三轉法輪處四涅槃處諸佛生處及得道處此二定有彼

提生必在阿輸柯樹下此云無憂樹此是夫人生太子之處即號此樹爲生處支提如來得道在於菩提樹下即呼此樹下爲得道支提如來轉法輪及涅槃處此二無定期初轉法輪爲五比丘在於鹿苑縱廣各二十五尋一尋八尺古人身大故一尋八尺合二十丈今天竺人處處多立轉法輪取一好處而依此量豎三柱安三輪表佛昔日三轉法輪相即名此處爲轉法輪支提如來入涅槃處安置舍利即名此處爲涅槃支提現今立寺名涅槃

槃寺此則爲定若據  
利處處起塔則爲不  
定此四亦名窣堵波

又毗婆沙論云若人  
一大塔如來生處轉法  
輪處若人取小石爲  
智其福等前大塔所爲  
尊故若爲如來大塔  
起大塔或起小塔以所  
爲同故其福無量門含經云有四種人應  
起塔一如來二辟支佛三聲聞四輪王

又十二因緣經云有  
八人得起塔一如來二  
菩薩三緣覺四羅漢  
五阿那含六斯陀含七  
須陀洹八輪王若輪  
王已下起塔安一露槃

見之不得禮以非聖塔故初果二露槃乃至  
如來安八露槃八槃已上並是佛塔

又僧祇律云初起僧伽藍時先規度好地將  
作塔處不得在南不得在西應在東應在北  
不侵佛地僧地應在西在南作僧房佛塔高  
顯處作不得塔院內浣染曬衣唾地得爲佛  
塔四面作龕作師子鳥獸種種綵畫內懸幡  
蓋得爲佛塔四面造種園林華果是中出華  
應供養塔若樹檼越自種檼越言是中華供  
養佛果與僧食佛言應從檼越語若華多者

得與華鬘家語言爾許華作鬘與我餘者與  
我爾許直若得直得用然燈買香以供養佛  
兼得治塔若直多者得置佛無盡物中若人  
第七言佛無貪怒癡但自莊嚴用是華果而受樂  
者得罪報重佛言亦得作支提有舍利者名  
塔無舍利者名支提如佛生處得道處轉法

輪處佛泥洹處菩薩像辟支佛像佛腳跡處  
此諸支提得安佛華蓋供養若供養中上者  
供養佛塔下者供養支提若卒風雨來應以  
供養具隨近安之不得言我是上座我是阿

練若乞食大德等得越毗尼罪若塔僧物賊  
來急時不得藏舉佛物應莊嚴佛像僧座具  
應敷安置種種飲食令賊見相若起慈心賊  
問比丘莫畏出來年少應看若賊卒至不得  
藏物者應言一切行無常作是語已捨去是

名難法

感福部第四

如小未曾有經云佛告阿難若有一人盡四  
天下滿中草木皆悉爲人得四道果及辟支  
佛盡壽四事供養所湏具足至滅度後一一

起塔香華幢旛寶蓋供養復造帝釋大莊嚴

殿用八萬四千寶柱八萬四千寶窓八萬四

千天井寶窓八萬四千樓櫨館閣四出圍遠

衆寶校飾若有善男子善女人作如上百千

億大莊嚴殿用施四方僧其福雖多然不如

有人於佛般涅槃後以如芥子舍利起塔大

如庵摩勒果其利如針上施槃蓋如酸棗葉

若佛形像如迦麥大勝前功德滿足百倍不

及一千倍萬倍百千萬倍所不能及不可稱

量阿難當知如來無量功德戒分定分智慧

分解脫分知見解脫分無量功德有大神通

變化及六波羅密如是等無量功德

又無上依經云阿難向佛合掌而作是言我

於今日入王舍乞食見一大重閣莊嚴新成

内外宛密若有清信人布施四方僧并具四

事若如來滅後取佛舍利如芥子大安立塔

中起塔如阿摩羅子大戴利如針大露槃如

棗葉大造佛如麥子大此二功德何者為勝

佛告阿難如滿四天下四果聖人及辟支佛

如甘蔗林竹荻麻田等若有一人盡壽供養

四事具足及入涅槃後悉起大塔供養然燈燒香衣服幢旛等阿難於意云何是人功德多不阿難言甚多世尊阿難且置又如帝釋天宮住處有大飛閣名常勝殿種種寶裝各八萬四千若有清信男子女人造作如是當

勝寶殿百千拘胝施與四方衆僧若復有人如來般涅槃後取舍利如芥子大造塔如阿摩羅子大戴刹如針大露盤如棗葉大造佛形像如麥子大此功德勝前所說百分不及一億分不及一分乃至算數譬喻所不能及如是阿難一切如來昔在因地知衆生界自性清淨客塵煩惱之所汙濁然不入衆生清淨界中能爲一切衆生說深妙法除煩惱障不應生下劣心以大量故於諸衆生生尊重心

第  
七

起大師敬起般若起闍那起大悲依此五法  
菩薩得入阿鞞跋致位此云不退依如證大方便  
得阿耨菩提

又涅槃經云若於佛法僧供養一香燈乃至  
獻一華則生不動國善守佛僧物塗掃佛僧  
地造像塔如母指常生歡喜心亦生不動國  
此即淨土常嚴不爲三災所動也又僧祇律  
云佛於拘薩羅國遊行時婆羅門耕地見世  
尊過持牛杖柱地禮佛世尊見已便發微笑  
諸比丘白佛何因緣故笑唯願欲聞佛告諸

比丘是婆羅門今禮二佛諸比丘白言何等  
二佛佛告比丘禮我杖下有迦葉佛塔諸比  
丘白佛願見迦葉佛塔佛告諸比丘汝從此  
婆羅門索土塊第七并是地即便索之時婆羅門  
便與之得已爾時世尊即現出迦葉佛七寶  
塔高一由延其面廣半由延婆羅門見已便  
白佛言我姓迦葉是我迦葉土埠爾時世尊  
即於彼處作迦葉佛塔諸比丘白佛我得授  
泥不佛言得授即說偈言

真金百千擔 持用行布施 不如一團泥

敬心治佛塔

爾時世尊敬過去佛故便自作禮諸比丘亦  
禮佛說偈言  
人等百千金 持用行布施 不如一善心  
恭敬禮佛塔

爾時比丘即持香華來奉世尊敬過去佛故  
即持供養塔佛即說偈言  
百千車真金 持用行布施 不如一善心  
香華供養塔

佛說偈言  
百千闍浮提 滿中真金施 不如一法施  
隨順令修行  
爾時座中有得道者佛說偈言  
百千世界中 滿中真金施 不如一法施  
隨順見真諦  
又法句喻經云昔佛在世時遣一羅漢名曰  
須曼持佛髮爪至罽賓國南山之中造佛塔  
寺中常有五百羅漢旦夕燒香遶塔禮拜時  
山中有五百獮猴見僧遶塔禮拜供養即共

負石學僧作塔遶之禮拜于時天雨山水瀑  
漲五百獮猴一時沒死生忉利天七寶宮殿  
巍巍無量衣食自然快樂無極既得生天各  
自念言我等何緣得來生此即以天眼觀見  
華七  
前身作其獮猴由學衆僧戲笑作塔山水所  
漂命終生此即共相將齋持香華從天下來  
供養死屍迴詣佛所禮拜問訊佛爲說法五  
百天子一時皆得須陀洹果既得果已還歸  
天上獮猴學僧戲笑作塔尚獲福報巍巍乃  
爾豈況於人信心造塔寧無果報

又譬喻經云昔佛涅槃後阿育王國有迦羅  
越其人福德世間希有意有所須應念即至  
其家舍宅七寶所成閣內婦女端正少雙晝  
夜娛樂快樂無極其人信心恒常供養二萬  
十二  
餘僧阿育王聞便召見之而語之言聞卿大  
富家有何物即答王言家無所有王不信之  
便遣人看使至唯見門闇七重舍宅堂宇七  
寶莊嚴巍巍無量使入室中不見食物唯見  
婦女端正少雙使見即還具以白王王意漸  
解時迦羅越知王解已便於王前以手東指

即時空中亡寶雨下不可限量指餘三方亦復如是王見乃知是大福德王即詣寺請問此事寺有上座得阿羅漢三明六通王問上座此迦羅越宿植何福所須自然應念即至上座答王乃往過去九十一劫毗婆尸佛入

涅槃後迦羅越爾時與其四人同共造塔用心徧殷造塔成已復以七寶及取好花上塔頭上四面散下而以供養發誓願言使我世世食福自然恒不斷絕緣是功德從是以來九十一劫不墮惡道天上人中食福自然快

樂無極爾時但願食福無盡不願度脫故至今日唯受勝福未得道迹又大悲經云佛告阿難若人樂著三有果報於佛福田若行布施餘諸善根願我世世莫入涅槃以此善根不入涅槃無有是處是人雖不樂求涅槃然於佛所種諸善根我說是人必入涅槃也又百緣經云昔佛在世時舍衛城中有一長者其家巨富財寶無量不可稱計生一男兒端正殊妙世所希有其兒兩手各把金錢取已還生無有窮盡父母歡喜因爲立字名曰寶手

年漸長大慈悲孝順好喜布施有人來乞申  
其兩手出好金錢尋以施之後與諸人出城  
遊觀前到祇洹見佛相好心懷歡喜頂禮請  
佛及比丘僧願受我供阿難語言設供須財  
於是寶手即申兩手金錢雨落須臾滿地積

槃後有迦翅王收其舍利造四寶塔時有長  
者見豎塔心生隨喜持一金錢安著塔下  
發願而去緣是功德不墮惡道天上人中常  
有金錢受福快樂乃至今者遭值於我出家  
得道

聚過人佛勑阿難令爲營供飯食訖佛爲說  
法得須陀洹歸辭父母求乞出家既出家已  
得阿羅漢果阿難見已而白佛言寶手比丘  
宿植何福生於豪族手出金錢取無窮盡又  
值世尊出家得道佛告阿難昔迦葉佛入涅

又百緣經云佛在世時迦毗羅衛城中有一  
長者財寶無量其婦懷妊生一男兒容貌端  
正世所希有然其生時頂上自然有摩尼寶  
蓋偏覆城上父母歡喜因爲立字名曰寶蓋  
漸長值佛出家得羅漢果佛告比丘乃往過

去九十一劫有佛出世號毗婆尸遷神入涅槃後有國王名槃頭末帝收取舍利造四寶塔高一由旬而供養之時有商主入海採寶安隱得來即以摩尼寶珠蓋其塔頭發願而去緣是功德九十一劫不墮惡趣天上人中常有寶蓋隨共而生乃至今者得值於我出家獲道聞佛所說歡喜奉行

又百緣經云佛在世時迦毗羅衛城中有一長者財寶無量不可稱計其婦生一男兒端正殊妙世所希有頭上自然有摩尼珠時父

母因爲立字名曰寶珠年漸長大見佛出家成阿羅漢果入城乞食時寶珠故在頭上城中人民怪其所以競來看之深自慚恥還歸所止白言世尊我此頭上有此寶珠不能使去今者乞食爲人嗤笑願佛世尊見却此珠佛告比丘汝但語珠我今生分已盡更不須汝如是三說珠自當去比丘受教寶珠不現時諸比丘請佛爲說宿業因緣佛告比丘乃往過去九十一劫有佛出世號毗婆尸入涅槃後時彼國王名槃頭末帝收其舍利造四

寶塔高一由旬而供養之時彼國王入塔禮  
拜持一摩尼寶珠繫著頸頭發願而去緣是  
功德九十一劫不墮三塗天上人中常有寶  
珠在其頂上受天快樂至今值佛出家得阿  
羅漢果比丘聞已歡喜奉行

旋遠部第五

如菩薩本行經云昔佛在世時佛與阿難入  
舍衛城而行乞食時彼城中有一婆羅門從  
外而來見佛出城光相巍巍時婆羅門歡喜  
踊躍遶佛一帀作禮而去佛便微笑告阿難

言此婆羅門見佛歡喜以清淨心遶佛一帀  
以此功德從是以後二十五劫不墮惡道天  
上人中快樂無極竟二十五劫得辟支佛名  
持倣那祇梨以是因緣若人旋佛及旋佛塔  
所生之處得福無量也

又提謂紅云長者提謂白佛言散華燒香然  
燈禮拜是爲供養旋塔得何等福佛言旋塔  
有五福德一後世得端正好色二得聲音好  
三得生天上四得生王侯家五得泥洹道何  
因緣得端正好色由見佛像歡喜故何緣得

聲音好由旋塔說經故何緣得生天上由當

旋塔時意不犯戒故何緣得生王侯家由頭  
面禮佛足故何緣得泥洹道由有餘福故佛  
言旋塔有三法一足舉時當念足舉二足下  
第十七時當念足下三不得左右顧視唾塔中地右

遶者經律之中制今右旋若左遶行爲神所  
訶乃至左遶麥積爲俗所責其徒衆矣今時  
行事者順於天時面西北轉右肩袒膊向佛  
而恭也或旋百匝十匝七匝三匝各有所表  
且論常行三匝者表供養三尊止三毒淨三

業滅三惡道得值三寶故華嚴經偈云

始欲旋塔 當願衆生 施行福祐 究暢道意  
遶塔三匝 當願衆生 得一向意 不續四毒  
又賢者五戒經云旋塔三匝者表敬三尊一  
佛二法三僧亦念滅三毒一貪二瞋三癡又  
三千威儀云遶塔有五事一低頭視地二不  
得蹈蟲三不得左右顧視四不得唾塔前地  
上五不得中住與人語

音釋

娘  
也  
蕉  
甘之也  
蕉  
也  
嗤  
笑充  
也  
努  
才  
桂  
也  
庚  
也  
麌  
古  
麌  
猛

娘  
明之  
也  
刀

也  
夜

也  
嗤

笑充  
也

也  
努

才  
桂

也  
庚

也  
麌

也  
麌

也  
麌

永樂北藏

法苑珠林

第一四〇册